

Broj: 06-02-121-25/2019-1
Sarajevo, 09.08.2019. godine

**POZIV ZA DOSTAVU PONUDA ZA JAVNU NABAVKU USLUGA –
PRAVNE USLUGE U POSTUPKU ARBITRAŽE
PRED MEĐUNARODNIM ARBITRAŽNIM SUDOM – MOL/INA**

(USLUGE IZ ANEKSA II DIO B. ZAKONA O JAVNIM NABAVKAMA)

Pozivamo Vas da dostavite ponudu za javnu nabavku usluga – pravne usluge u postupku arbitraže pred Međunarodnim arbitražnim sudom – MOL/INA. Postupak nabavke će biti proveden u skladu sa odredbama člana 8. Zakona o javnim nabavkama ("Službeni glasnik BiH", broj: 39/14) i odredbama Pravilnika o postupku dodjele ugovora o uslugama iz Aneksa II dio B. Zakona o javnim nabavkama („Službeni glasnik BiH", broj: 66/16).

1. NAZIV UGOVORNOG ORGANA:

Generalni sekretarijat Vlade Federacije Bosne i Hercegovine (u daljem tekstu: Ugovorni organ).

2. REDNI BROJ NABAVKE

Redni broj nabavke u Planu javnih nabavki za 2019. godinu Ugovornog organa (broj: 07-14-81/2019 od 01.04.2019. godine, broj: 07-14-81-1/2019 od 07.05.2019. godine, broj: 07-14-81-2/2019 od 29.05.2019. godine, broj: 07-14-81-3/2019 od 28.06.2019. godine, broj: 07-14-81-4/2019 od 23.07.2019. godine i broj: 07-14-81-5/2019 od 06.08.2019. godine) je pod rednim brojem 15 - usluge.

3. VRSTA POSTUPKA:

Nabavka se provodi primjenom posebnog režima postupka dodjele ugovora koji za predmet javne nabavke ima usluge iz Aneksa II dio B. Zakona o javnim nabavkama – pravne usluge.

4. PREDMET NABAVKE:

Pravne usluge u postupku arbitraže pred Međunarodnim arbitražnim sudom – MOL/INA.
Jedinstveni rječnik javne nabavke (CPV kod): 79100000-5 – Pravne usluge

5. OPIS PREDMETA NABAVKE:

Pravne usluge se odnose na učestvovanje i rad po fazama arbitražnog postupka u predmetu MOL-INA protiv Federacije Bosne i Hercegovine (Predmet br. 18596/GZ/MHM) u postupku arbitraže pred Međunarodnim arbitražnim sudom Međunarodne trgovačke komore, te pružanje usluga pravne pomoći, savjetovanja, zastupanja i poduzimanja svih ostalih potrebnih pravnih radnji u vezi sa navedenim predmetom, kako je navedeno u PRILOGU 2 ovog poziva.

Izvršenje i plaćanje usluga vršiti će se sukcesivno do vrijednosti ugovora, prema potrebama Ugovornog organa i ovisno od dinamike arbitražnog postupka.

Mjesto izvršenja usluge: Švicarska i po potrebi neka druga destinacija po zahtjevu Ugovornog organa.

Napominje se da se arbitraža spora vodi po pravilima ICC 2012. Mjerodavno pravo je pravo Švicarske, za određena pitanja pravo Bosne i Hercegovine, a jezik arbitraže je engleski.

6. PROCIJENJENA VRIJEDNOST NABAVKE:

S obzirom da se, u predmetnoj nabavci, radi o sukcesivnom izvršenju usluga, ukupna procijenjena vrijednost nabavke za tri (3) godine iznosi 3.600.000,00 KM bez PDV-a.

Procijenjena vrijednost nabavke za 2019. godinu iznosi 1.200.000,00 KM bez PDV-a.

Procijenjena vrijednost nabavke za 2020. godinu iznosi 1.200.000,00 KM bez PDV-a.

Procijenjena vrijednost nabavke za 2021. godinu iznosi 1.200.000,00 KM bez PDV-a.

7. USLOVI ZA KVALIFIKACIJU PONUĐAČA, POTREBNI DOKAZI I DOKUMENTACIJA:

Da bi učestvovao u konkretnom postupku javne nabavke, ponuđač mora zadovoljavati minimalne kvalifikacione uslove, utvrđene srazmjerno predmetu ove nabavke i to:

7.1. Lična sposobnost – član 45. stav (1) tačka a) Zakona o javnim nabavkama

U skladu sa članom 45. stav (1) tačka a) Zakona, ponuda će biti odbijena ako je ponuđač u krivičnom postupku osuđen pravosnažnom presudom za krivična djela organizovanog kriminala, korupciju, prevaru ili pranje novca, u skladu sa važećim propisima u Bosni i Hercegovini ili u zemlji u kojoj je registrovan.

Ugovorni organ će odbiti ponudu ukoliko utvrdi da je ponuđač: bio kriv za profesionalni propust počinjen tokom perioda od tri godine prije početka postupka, a koji Ugovorni organ može dokazati na bilo koji način, posebno, značajni i/ili nedostaci koji se ponavljaju u izvršenju bitnih zahtjeva ugovora koji su doveli do njegovog prijevremenog raskida, nastanka štete ili drugih sličnih posljedica, zbog namjere ili nemara privrednog subjekta/ponuđača određene težine.

Dokazi koji se zahtijevaju:

U svrhu ispunjavanja uslova iz tačke 7.1. ovog poziva, ponuđači trebaju dostaviti **Izjavu ovjerenu kod nadležnog organa (organ uprave ili notar ili drugi nadležni organ)** da se na njih ne odnosi slučaj definisan predmetnom tačkom Poziva.

Ukoliko ponudu dostavlja zajednička advokatska kancelarija, Izjavu treba potpisati svaki advokat pojedinačno.

Ukoliko ponudu dostavlja advokatsko društvo, Izjavu treba potpisati ovlaštena osoba društva.

Ukoliko ponudu dostavlja grupa ponuđača, svaki član grupe pojedinačno dužan je dostaviti ovjerenu izjavu.

Izjava se dostavlja u formi utvrđenoj u PRILOGU 3. Poziva i čini njegov sastavni dio. Datum davanja izjave treba biti u periodu 09.08.2019. – 23.08.2019. godine.

Dokaz kojim će ponuđač potvrditi vjerodostojnost date Izjave i koji je obavezan dostaviti jeste:

- **Ukoliko je ponuđač iz Bosne i Hercegovine:** *uvjerenje Suda Bosne i Hercegovine kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, ne starije od tri mjeseca, računajući od trenutka dostavljanja ponude i *uvjerenje suda prema sjedištu ponuđača iz kojeg je vidljivo da mu u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, ne starije od tri mjeseca, računajući od trenutka dostavljanja ponude.
- **Ukoliko je ponuđač iz inostranstva:** uvjerenje/potvrdu nadležnog organa zemlje u kojoj je registriran ili posebnu izjavu kojom dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, ne starije od tri mjeseca, računajući od trenutka dostavljanja ponude.

** Stav Agencije za javne nabavke (koji sud je nadležan da izdaje uvjerenje iz člana 45. stav (2) tačka a) Zakona o javnim nabavkama od 22.06.2019. godine (www.javnenabavke.gov.ba))*

Ponuđači koji dostave prihvatljive ponude, obavezni su dostaviti tražene dokaze u originalu ili ovjerenom kopiji, u roku od pet dana od dana prijema obavijesti o rezultatima postupka javne nabavke.

Ponuđači koji uz Izjavu, u ponudi odmah dostave tražene dokaze, oslobađaju se obaveze naknadnog dostavljanja traženih dokumenata.

7.2. Sposobnost obavljanja profesionalne djelatnosti – član 46. Zakona:

Ponuđači trebaju dostaviti dokaz o registraciji u odgovarajućim profesionalnim ili drugim registrima kojim se dokazuje njihovo pravo da obavljaju profesionalnu djelatnost, koja je u vezi s predmetom nabavke.

Dokazi koji se zahtijevaju:

- **ukoliko ponudu dostavlja Advokatska kancelarija** potrebno je dostaviti:
 - **Ukoliko je ponuđač iz Bosne i Hercegovine:** aktuelni izvod iz Imenika advokata ili potvrdu o činjenicama i podacima iz Imenika advokata nadležne advokatske komore
 - **Ukoliko je ponuđač iz inostranstva:** izvod/potvrdu nekog drugog registra zemlje u kojoj je registriran ili je dužan da osigura posebnu izjavu ili potvrdu nadležnog organa kojom dokazuje da obavlja profesionalnu djelatnost (ako u toj zemlji po važećim zakonima za obavljanje profesionalne djelatnosti ne postoje sudski ili drugi registri), koja je u vezi s predmetom nabavke.
- **ukoliko ponudu dostavlja Zajednička advokatska kancelarija** potrebno je dostaviti:

- **Ukoliko je ponuđač iz Bosne i Hercegovine:** aktuelni izvod o upisu zajedničke advokatske kancelarije u evidenciju ili imenik nadležne advokatske komore ili potvrdu o činjenicama i podacima iz Imenika advokata nadležne advokatske komore
- **Ukoliko je ponuđač iz inostranstva:** izvod/potvrdu nekog drugog registra zemlje u kojoj je registriran ili je dužan da osigura posebnu izjavu ili potvrdu nadležnog organa kojom dokazuje da obavlja profesionalnu djelatnost (ako u toj zemlji po važećim zakonima za obavljanje profesionalne djelatnosti ne postoje sudski ili drugi registri), koja je u vezi s predmetom nabavke.
- **ukoliko ponudu dostavlja Advokatsko društvo** potrebno je dostaviti:
 - **Ukoliko je ponuđač iz Bosne i Hercegovine:** aktuelni izvod iz Imenika advokatskih društava ili potvrdu o činjenicama i podacima iz Imenika advokatskih društava nadležne advokatske komore i Aktuelni izvod iz sudskog registra
 - **Ukoliko je ponuđač iz inostranstva:** izvod/potvrda nekog drugog registra zemlje u kojoj je registriran ili je dužan da osigura posebnu izjavu ili potvrdu nadležnog organa kojom dokazuje da obavlja profesionalnu djelatnost (ako u toj zemlji po važećim zakonima za obavljanje profesionalne djelatnosti ne postoje sudski ili drugi registri), koja je u vezi s predmetom nabavke.

Ukoliko ponudu dostavlja grupa ponuđača, svi članovi grupe moraju biti registrovani za obavljanje djelatnosti koja je predmet nabavke ili za dio predmeta nabavke. Navedene dokaze potrebno je dostaviti u originalu ili ovjerenoj kopiji od strane nadležnog organa.

Datum izdavanja originala ne smije biti stariji od 3 (tri) mjeseca računajući od dana dostavljanja ponude.

7.3. Ekonomska i finansijska sposobnost ponuđača – član 47. stav (1) tačka b) Zakona

U skladu sa članom 47. stav (1) tačka b) Zakona ponuda će biti odbačena ukoliko ponuđač ne dostavi garanciju za pokriće osiguranja od odgovornosti za realizaciju predmetnog ugovora iz oblasti njegove registrovane djelatnosti.

Dokaz koji se zahtijeva:

Polica osiguranja od odgovornosti ili druga odgovarajuća izjava osiguravajuće kuće iz koje će se vidjeti osiguravajuće pokriće u iznosu od najmanje 3.000.000,00 KM.

Ukoliko ponudu dostavlja grupa ponuđača, svi članovi grupe dostavljaju zajedno dokaze u smislu ispunjavanja uslova iz tačke 7.3. Ekonomska i finansijska sposobnost - član 47. stav (1) tačka b) Zakona.

Dokaz se dostavlja se kao obična kopija zajedno sa Izjavom – PRILOG 4.

Ponuđači koji dostave prihvatljive ponude, obavezni su dostaviti traženi dokaz u originalu ili ovjerenoj kopiji, u roku od pet dana od dana prijema obavijesti o rezultatima postupka javne nabavke.

Ponuđači koji uz Izjavu, u ponudi odmah dostave traženi dokaz, oslobađaju se obaveze naknadnog dostavljanja traženog dokumenta.

7.4. Tehnička i profesionalna sposobnost za realizaciju predmetnog ugovora – član 50. Zakona

U skladu sa članom 50. Zakona, ponuda će biti odbačena ako ponuđač ne ispuni sljedeće minimalne uslove:

- a) da ima savjetnički/advokatski tim od najmanje pet (5) advokata sa najmanje deset (10) godina iskustva kao advokati u Švicarskoj i najmanje jednog (1) advokata sa najmanje pet (5) godina iskustva kao advokat u Bosni i Hercegovini;
- b) da savjetnički/advokatski tim ima ukupno iskustvo (kao zastupnici ili kao arbitri) u najmanje dvadeset (20) ICC arbitraža u kojima je mjerodavno pravo bilo pravo Švicarske, a od kojih najmanje pet (5) arbitraža ima vrijednost spora koja prelazi iznos od pedeset (50) miliona EUR-a;
- c) da advokati imaju ukupno iskustvo (kao zastupnici ili kao arbitri) u najmanje pet (5) arbitraža u kojima je mjerodavno pravo bilo pravo Švicarske i u kojima je predmet spora u vezi sa M&A transakcijama ili transakcijama koje se tiču kupovine dionica ili udjela;
- d) da advokati imaju iskustvo (kao zastupnici ili kao arbitri) u najmanje jednoj (1) ICC arbitraži u kojoj je mjerodavno pravo bilo pravo Bosne i Hercegovine sa vrijednošću spora od najmanje deset (10) miliona EUR-a i najmanje jednu (1) arbitražu (kao zastupnici ili kao arbitri) prema bosanskohercegovačkim arbitražnim pravilima u kojoj je mjerodavno pravo bilo pravo Bosne i Hercegovine sa vrijednošću spora od najmanje jedan (1) milion KM;
- e) najmanje jedan (1) savjetnik/član savjetničkog tima čiji su maternji jezici u službenoj upotrebi u Bosni i Hercegovini;
- f) najmanje jedan (1) savjetnik/član savjetničkog tima sa ekspertizom u oblasti Međunarodnog privatnog prava (najmanje 10 publikacija u ovoj pravnoj oblasti: knjiga, naučni rad ili naučni članak);
- g) najmanje jedan (1) savjetnik/član savjetničkog tima sa ekspertizom u oblasti obligacionog prava u Bosni i Hercegovini (najmanje 10 publikacija u ovoj pravnoj oblasti: knjiga, naučni rad ili naučni članak);
- h) iskustvo sa M&A i sličnim transakcijama prema pravu Švicarske;
- i) iskustvo sa M&A i sličnim transakcijama prema pravu Bosne i Hercegovine;
- j) aktivno poznavanje engleskog jezika od strane najmanje tri (3) advokata.

Dokazi koji se zahtijevaju:

- **Spisak savjetnika, članova savjetničkog tima odnosno advokata, koji će biti na raspolaganju za realizaciju ugovora, sa jasno navedenom stručnom kvalifikacijom, izjavom, biografijom i/ili drugom dokumentacijom iz koje će jasno biti vidljiva tražena iskustva svakog člana tima, u skladu sa zahtjevima navedenim u tački 7.4 Poziva.**
- **popunjena, potpisana i ovjerena Izjava** ponuđača o ispunjavanju uslova iz člana 50. Zakona. **Izjava je sastavni dio ovog poziva – PRILOG 5.**
- **Ukoliko ponudu dostavlja grupa ponuđača**, svi članovi grupe dostavljaju zajedno dokaze u smislu ispunjavanja uslova iz tačke 7.4. Poziva.

Dokazi se dostavljaju u originalu ili ovjerenoj kopiji.

Ponuda će biti odbačena ukoliko ponuđač u ponudi ne dostavi navedene dokumente u vezi tehničke i profesionalne sposobnosti ponuđača (član 50. Zakona) na način kako je traženo.

Izjava iz člana 52. Zakona – PRILOG 6 Poziva

U skladu sa članom 52. Zakona, kao i sa drugim važećim propisima u Bosni i Hercegovini, Ugovorni organ će odbiti ponudu ukoliko je:

- a) ponuđač koji je dostavio ponudu dao ili namjerava dati sadašnjem ili bivšem zaposleniku Ugovornog organa poklon u vidu novčanog iznosa ili u nekom drugom obliku, u pokušaju da izvrši utjecaj na neki postupak ili na odluku ili na sam tok postupka javne nabavke. Ugovorni organ će u pisanoj formi obavjestiti ponuđača i Agenciju za javne nabavke o odbijanju ponude, razlozima za odbijanje iste i o tome napraviti zabilješku u izvještavanju o postupku nabavke.
- b) utvrđeno da postoji sukob interesa u odnosu na suprotne strane u postupku.

Dokaz koji se zahtijeva:

Ponuđač je dužan uz ponudu dostaviti posebnu pismenu Izjavu (ovjerenu kod organa uprave ili notara ili drugog nadležnog organa) da nije nudio mito niti učestvovao u bilo kakvim radnjama čiji je cilj korupcija u javnoj nabavci. Obrazac Izjave dat je u **PRILOGU 6. Poziva** i čini njegov sastavni dio. Ukoliko ponudu dostavlja zajednička advokatska kancelarija, Izjavu treba potpisati svaki advokat pojedinačno. **Ukoliko ponudu dostavlja advokatsko društvo**, Izjavu treba potpisati ovlaštena osoba društva.

Ukoliko ponudu dostavlja grupa ponuđača, svaki član grupe pojedinačno dužan je dostaviti ovjerenu izjavu.

Datum davanja izjave treba biti u periodu 09.08.2019. – 23.08.2019. godine.

8. ODREDBE KOJE SE ODNOSE NA GRUPU PONUĐAČA:

U slučaju da ponudu dostavlja grupa ponuđača u obrascu za cijenu ponude – usluge, moraju se navesti podaci o svakom članu grupe ponuđača, kao i jasno određenje člana grupe ponuđača za sudjelovanje u postupku javne nabavke, za komunikaciju i za zaključivanje ugovora.

U slučaju da ponudu dostavlja grupa ponuđača, uz ponudu se mora dostaviti i ugovor o zajedničkom nastupu, kao i punomoć kojom se navedena lica ovlašćuju da predstavljaju grupu ponuđača u toku postupka nabavke (punomoć može također sadržavati i ovlaštenje za potpisivanje ugovora). Isti moraju biti potpisani i ovjereni od strane svih privrednih subjekata koji čine grupu ponuđača.

Ponuđač koji je samostalno podnio ponudu ne može biti član grupe ponuđača u istom postupku javne nabavke. Član grupe ponuđača ne može biti član druge grupe ponuđača u istom postupku javne nabavke. Grupa ponuđača solidarno odgovara za sve obaveze.

Grupa ponuđača ne mora osnovati novo pravno lice da bi sudjelovala u ovom postupku javne nabavke.

9. KRITERIJ ZA IZBOR PONUDE:

Kriterij za dodjelu ugovora je najniža cijena.

10. ZAHTJEVI PO PITANJU JEZIKA:

Ponuda, svi dokumenti i prepiska u vezi sa ponudom između ponuđača i Ugovornog organa moraju biti napisani na jednom od službenih jezika u Bosni i Hercegovini.

Prateća dokumentacija i štampana literatura koju dostavi ponuđač mogu biti napisani na drugom jeziku, pod uvjetom da se uz njih dostavi službeni prevod relevantnih dijelova na jeziku na kojem je ponuda napisana. Pod zvaničnim prevodom smatra se prevod ovjeren od strane sudskog tumača.

11. SADRŽAJ PONUDE:

Ponuda obavezno treba da sadrži sljedeće:

1. Prijava na poziv,
2. Popunjen, potpisan i ovjeren PRILOG 1: Obrazac za ponudu,
3. Popunjen, potpisan i ovjeren PRILOG 2: Obrazac za cijenu ponude - usluge,
4. Popunjen, potpisan i ovjeren PRILOG 3: Izjava o ispunjenosti uslova iz člana 45. stav (1) tačka a) Zakona o javnim nabavkama,
5. Dokaze kojima ponuđač dokazuje da ispunjava kvalifikacijske uslove, utvrđene prema predmetu ove nabavke, kako se traži u tački 7. ovog poziva,
6. Popunjen, potpisan i ovjeren PRILOG 4: Izjava ponuđača iz člana 47. stav (1) tačka b) Zakona,
7. Popunjen, potpisan i ovjeren PRILOG 5: Izjava ponuđača iz člana 50. Zakona,
8. Popunjen, potpisan i ovjeren PRILOG 6: Izjava ponuđača iz člana 52. Zakona,
9. Popunjen, potpisan i ovjeren PRILOG 7: Obrazac izjave o obaveznoj primjeni preferencijalnog tretmana domaćeg (ukoliko se primjenjuje preferencijalni tretman domaćeg dostaviti dokaz od strane jedne od privrednih komora, kako je precizirano u PRILOGU 7 Poziva),
10. Popunjen, potpisan i ovjeren PRILOG 8: Spisak povjerljivih informacija,
11. Popunjen, potpisan i ovjeren PRILOG 9: Obrazac izjave o podugovaranju,
12. Ukoliko ponudu dostavlja grupa ponuđača – Pravni akt o udruživanju (Ugovor o konzorciju),
13. Nacrt ugovora – PRILOG 10 Poziva,
14. Potpis podnosioca ponude ili ovlaštenog lica na osnovu punomoći koja u tom slučaju mora biti priložena u originalu ili ovjerenj kopiji,
15. Popis dokumenata uz ponudu koji čine sadržaj ponude.

12. PRIPREMA I NAČIN DOSTAVLJANJA PONUDE:

Ponuđač snosi sve troškove u vezi sa pripremom i dostavom ponude.

Ponuda se izrađuje na način da čini cjelinu i mora biti napisana neizbrisivom tintom. Ispravke moraju biti izrađene na način da su vidljive i potvrđene potpisom ponuđača uz navođenje datuma ispravke. Svi listovi ponude moraju biti čvrsto uvezani na način da se onemogućí naknadno vađenje ili umetanje listova. Pod čvrstim uvezom, podrazumijeva se ponuda ukoričena u knjigu ili ponuda osigurana jamstvenikom.

Stranice ponude se označavaju brojem na način da je vidljiv redni broj stranice. Ako ponuda sadrži štampanu literaturu, brošure, kataloge ili sl. koji imaju izvorno numerisane brojeve, onda se ti dijelovi ponude ne numeriraju dodatno.

Ponuda se dostavlja samo u originalu, u jednoj neprovidnoj koverti.

Alternativna ponuda nije dozvoljena. Ponude se mogu dostaviti lično ili putem pošte na adresu Ugovornog organa. Blagovremenom se smatraju ponude koje su do isteka roka za podnošenje ponuda prispjele na protokol Ugovornog organa, bez obzira na način i vrijeme slanja. Neblagovremene ponude neće biti razmatrane već će neotvorene biti vraćene ponuđaču.

Ponuđač može do isteka roka za dostavu ponuda dostaviti izmjenu i/ili dopunu ponude. Izmjena i/ili dopuna ponude dostavlja se na isti način kao i osnovna ponuda s obaveznom naznakom da se radi o izmjeni i/ili dopuni ponude.

Ponuđač može do isteka roka za dostavu ponude pisanom izjavom odustati od svoje dostavljene ponude. Pisana izjava se dostavlja na isti način kao i ponuda s obaveznom naznakom da se radi o odustajanju od ponude. U tom slučaju neotvorena ponuda se vraća ponuđaču.

13. ADRESA NA KOJU SE DOSTAVLJA PONUDA:

Ponude se predaju u zatvorenoj koverti.

Na koverti ponude mora biti naznačeno:

- a) naziv i adresa Ugovornog organa - **Generalni sekretarijat Vlade Federacije Bosne i Hercegovine, Hamdije Čemerlića broj 2, 71000 Sarajevo**
- b) naziv i adresa ponuđača u lijevom gornjem uglu koverta,
- c) evidencijski broj nabavke,
- d) naziv predmeta nabavke, **PONUĐA ZA JAVNU NABAVKU USLUGA – PRAVNE USLUGE U POSTUPKU ARBITRAŽE PRED MEĐUNARODNIM ARBITRAŽNIM SUDOM – MOL/INA**
- e) naznaka "**NE OTVARAJ**".

14. DA LI SE UGOVOR ZA USLUGE ZAKLJUČUJE ZA JEDNOKRATNO IZVRŠENJE ODREĐENE USLUGE ILI NA PERIOD KOJI NE MOŽE BITI DUŽI OD TRI GODINE:

Ugovor će se zaključiti na period do tri (3) godine, sa ponuđačem čija je ponuda prihvatljiva i u skladu sa kriterijem za dodjelu ugovora – najniža cijena.

Ponuđači su obavezni popuniti Nacrt ugovora sa svojim podacima i detaljima koji su sadržani u ponudi (cijena i drugi uslovi), te isti potpisati i priložiti uz ponudu, zajedno sa ostalim dokumentima iz ovog poziva.

Osnovni elementi ugovora uključeni su u Nacrt ugovora, koji čini sastavni dio ovog poziva – PRILOG 10.

15. KRAJNJI ROK ZA DOSTAVU PONUDA: 26.08.2019. godine do 09:00 sati.

16. MJESTO I VRIJEME OTVARANJA PONUDA:

Hamdije Čemerlića broj 2, Sarajevo, Generalni sekretarijat Vlade Federacije Bosne i Hercegovine.

Vrijeme otvaranja ponuda: 26.08.2019. godine u 09:30 sati.

Ugovorni organ će nakon isteka roka za prijem ponuda izvršiti otvaranje i analizu istih i obavijestiti će ponuđače o rezultatu postupka nabavke, a odluku objaviti na svojoj web stranici www.fbihvlada.gov.ba – Generalni sekretarijat.

17. PERIOD VAŽENJA PONUDE:

60 (šezdeset) dana od isteka roka za dostavljanje ponuda.

18. KONTAKT OSOBA, BROJ TELEFONA I ADRESA ELEKTRONSKE POŠTE:

Lejla Pintol, telefon: 033/667-271, e-mail: lejla.pintol@fbihvlada.gov.ba.

Sva komunikacija i svaka druga razmjena informacija između Ugovornog organa i privrednih subjekata/ponuđača obavljati će se, u pisanom obliku, putem elektronske pošte/email-a. Izuzetno komunikacija će se vršiti i putem poštanske pošiljke, telefaksa ili kombinacijom tih sredstava.

19. PRAVNA ZAŠTITA

Postupak pravne zaštite provodi se u skladu sa odredbama Trećeg dijela Zakona o javnim nabavkama Bosne i Hercegovine – Pravna zaštita

Ovaj poziv objavit će se na web stranici www.fbihvlada.gov.ba – Generalni sekretarijat.

OBRAZAC ZA PONUDU

NABAVKA USLUGA – PRAVNE USLUGE
(oznaka iz JRJN 79100000-5)

Broj nabavke: 06-02-121-25/2019-1

Broj ponude: _____; Datum: _____.2019. godine.

UGOVORNI ORGAN:

Naziv ugovornog organa	GENERALNI SEKRETARIJAT VLADE FEDERACIJE BOSNE I HERCEGOVINE
Adresa	Hamdije Čemerlića 2, 71000 Sarajevo, BiH

PONUĐAČ:

Naziv i sjedište ponuđača	
Adresa	
IDB/JIB	
Broj računa	
PDV broj	
Adresa za dostavljanje pošte	
E - mail adresa	
Broj telefona	
Broj faksa	

*Ukoliko ponudu dostavlja grupa ponuđača, upisuju se isti podaci za sve članove grupe ponuđača, kao i kada ponudu dostavlja samo jedan ponuđač, a pored naziva ponuđača koji je predstavnik grupe ponuđača upisuje se podatak da je to predstavnik grupe ponuđača. Podgovarač se ne smatra članom grupe ponuđača u smislu postupka javne nabavke.

*PONUĐAČ:

Naziv i sjedište ponuđača	
Adresa	
IDB/JIB	
Broj računa	
PDV broj	
Adresa za dostavljanje pošte	
E - mail adresa	
Broj telefona	
Broj faksa	

KONTAKT OSOBA (za ovu ponudu):

Ime i prezime		
Adresa		
Broj telefona		
Broj faksa		
E-mail adresa		

IZJAVA PONUĐAČA*

* Ukoliko ponudu dostavlja grupa ponuđača, onda izjavu ponuđača popunjava predstavnik grupe ponuđača.

U postupku javne nabavke, koji ste pokrenuli objavom Poziva na web stranici Vlade Federacije Bosne i Hercegovine, dana 09.08.2019. godine, broj Poziva: 06-02-121-25/2019-1, dostavljamo vam ponudu i izjavljujemo sljedeće:

1. U skladu sa sadržajem i zahtjevima Poziva, broj: 06-02-121-25/2019-1, ovom izjavom prihvatamo njegove odredbe u cijelosti, bez ikakvih rezervi ili ograničenja.
2. Ovom ponudom odgovaramo zahtjevima iz Poziva za javnu nabavku usluga – pravne usluge u postupku arbitraže pred Međunarodnim arbitražnim sudom – MOL/INA u skladu s uvjetima utvrđenim u Pozivu, kriterijima i utvrđenim rokovima, bez ikakvih rezervi ili ograničenja.
3. Cijena naše ponude bez PDV-a:

Ukupna cijena naše ponude (bez PDV-a u KM) iznosi	
ili slovima	
Popust koji dajemo na cijenu ponude iznosi (u %)	
ili slovima	
Ukupna cijena naše ponude (bez PDV-a u KM) sa uključenim popustom iznosi	
ili slovima	
PDV (17%) (u KM) iznosi	
ili slovima	
Ukupna cijena naše ponude sa popustom i sa PDV-om u KM iznosi	
ili slovima	

U prilogu se nalazi i Obrazac za cijenu naše ponude robe – PRILOG 2, koji je popunjen u skladu sa zahtjevima iz Poziva. U slučaju razlika u cijenama iz ove Izjave i Obrasca za cijenu ponude usluge – PRILOG 2, relevantna je cijena iz Obrasca za cijenu ponude usluge - PRILOG 2 Poziva.

4. Naša ponuda važi _____, računajući od isteka roka za dostavljanje ponuda, tj. do: __.__._____ godine.
5. Ako naša ponuda bude najuspješnija u ovom postupku javne nabavke, obavezujemo se:
 - dostaviti dokaze o ispunjavanju kvalifikacionih uvjeta za koje smo priložili izjave, u skladu sa zahtjevima iz Poziva i u roku koji odredi Ugovorni organ.

M.P.

OVLAŠTENNO LICE PONUĐAČA

(ime i prezime)

(potpis)

Obrazac za cijenu ponude – usluge

Naziv ponuđača: _____

Ponuda broj: _____

Redni broj	Opis usluge	Cijena u KM
1.	Prva faza (početak arbitraže; organizaciona pitanja): - Početna analiza predmeta - Analiza Zahtjeva za arbitražu - Priprema odgovora na zahtjev za arbitražu i protuzahitjeva - Analiza odgovora na protuzahitjeve od strane tužitelja - Učešće u Case Management konferenciji, priprema Terms of Reference, Procedural Timetable	
2.	Druga faza (prvi krug podnesaka): - Dalja analiza predmeta - Analiza prvog podneska tužitelja - Priprema prvog podneska tuženog sa svim činjeničnim i pravnim navodima i dokazima	
3.	Treća faza (drugi krug podnesaka): - Priprema daljih podnesaka (u vezi sa zahtjevom i protuzahitjevom) - Analiza podnesaka tužitelja	
4.	Četvrta faza (ročišta i odluka): - Priprema za ročište uključujući i pripremu eksperata i svjedoka - Učešće u ročištu - Priprema post-raspravnih podnesaka - Ili finalni krug podnesaka u slučaju da se ročište neće održavati - Priprema podnesaka vezanih za troškove postupka - Analiza odluke Arbitražnog vijeća, komentari i zahtjevi za korekcije	
UKUPNA CIJENA PONUDE BEZ POPUSTA I BEZ PDV-a U KM		
slovima:		
POPUST U %		
slovima:		
UKUPNA CIJENA PONUDE SA URAČUNATIM POPUSTOM I BEZ PDV-a U KM		
slovima:		
UKUPNA CIJENA PONUDE SA URAČUNATIM POPUSTOM I SA PDV-om U KM		
slovima:		

NAPOMENA:

1. Cijene moraju biti izražene u KM. Za svaku stavku u ponudi mora se navesti cijena, u suprotnom ponuda će biti odbijena kao neprihvatljiva.
2. Cijena ponude se iskazuje u skladu s gore datom formom.
3. Cijena ponude se iskazuje bez PDV-a i mora da sadrži sve naknade koje Ugovorni organ treba platiti dobavljaču. Ugovorni organ ne smije imati nikakve dodatne troškove osim onih koji su navedeni u ovom obrascu.
4. U slučaju razlike između jediničnih cijena i ukupnog iznosa, ispravka će se izvršiti u skladu s jediničnim cijenama.
5. Jedinična cijena stavke se ne smatra računskom greškom, odnosno ne može se ispravljati.
6. Eventualne ispravke u obrascu za cijenu ponude moraju biti vidljive, s potpisom ponuđača i datumom ispravke.
7. Navedene cijene su konačne i nepromjenljive za vrijeme trajanja ugovora.

Ovlašteno lice ponuđača

M.P.

I Z J A V A uz PRILOG 2

Ukupna cijena usluge uključuje sljedeće pravne radnje:

- Savjetodavne usluge u pogledu predmeta spora;
- Stručna pravna pomoć u analizi predmeta arbitražnog spora (dostava izvještaja o pravnim mogućnostima na osnovu postojeće dokumentacije);
- Stručna pomoć u tumačenju akata Arbitražnog vijeća, zahtjeva za pokretanje postupka i druge dokumentacije;
- Pružanje savjeta, uputstava i davanje komentara u vezi sa bilo kojim pitanjem u arbitražnom postupku;
- Pružanje stručne pravne pomoći u izradi odgovora Federacije Bosne i Hercegovine na predmetnu tužbu, podnošenje protivtužbe, te davanje odgovora na zahtjeve Arbitražnog vijeća;
- Pomoć Federaciji Bosne i Hercegovine u ocjeni dokaza u postupku, pripremi svjedoka i drugih učesnika za učešće u postupku;
- Preduzimanje drugih pravnih radnji s ciljem pomoći Federaciji Bosne i Hercegovine,
- Zastupanje Federacije Bosne i Hercegovine u postupku međunarodne arbitraže u skladu sa ICC arbitražnim pravilima, u cilju zaštite interesa Ugovornog organa.

Cijena također uključuje:

- troškove trećih strana angažovanih za potrebe arbitraže (prevod dokumenata i rasprava, sudski izvještač, troškovi prostorija za održavanje rasprava),
- naknade i troškovi eksperata angažovanih u postupku arbitraže,
- troškove putovanja i smještaja advokata, eksperata i svjedoka, uz napomenu da troškovi iz ovog stava neće preći iznos od 700.000,00 KM. U slučaju neuobičajenog razvoja toka arbitražnog postupka koji bi generisao troškove veće od ovog iznosa, ugovorne strane će sporazumno urediti pitanje troškova preko navedenog iznosa.

Potpis i pečat ponuđača:

Izjava o ispunjenosti uslova iz člana 45. stav (1) tačka a) Zakona o javnim nabavkama BiH („Službeni glasnik BiH“ broj: 39/14) - Lična sposobnost

Ja, _____ niže _____ potpisani _____ (Ime i prezime), sa ličnom kartom broj: _____ izdatom od _____, u svojstvu predstavnika _____ privrednog društva ili obrta ili srodne djelatnosti _____ (Navedi položaj, naziv privrednog društva ili obrta ili srodne djelatnosti), ID broj : _____, čije sjedište se nalazi u _____ (Grad/općina), na adresi _____ (Ulica i broj), kao ponuđač u postupku javne nabavke usluga - pravne usluge u postupku arbitraže pred Međunarodnim arbitražnim sudom – MOL/INA, USLUGE IZ ANEKSA II DIO B. ZAKONA O JAVNIM NABAVKAMA, a kojeg provodi Ugovorni organ: Generalni sekretarijat Vlade Federacije Bosne i Hercegovine, a u skladu sa članom 45. stavom (1) tačka a) i stavom (4) istog člana pod **punom materijalnom i kaznenom odgovornošću**

IZJAVLJUJEM

Ponuđač _____ u navedenom postupku javne nabavke, kojeg predstavljam, nije :

a) Pravosnažnom sudskom presudom u kaznenom postupku osuđen za kaznena djela organiziranog kriminala, korupcije, prevare ili pranja novca u skladu sa važećim propisima u BiH ili zemlji u kojoj je registriran.

U navedenom smislu sam upoznat sa obavezom ponuđača da u slučaju dodjele ugovora dostavi dokument iz člana 45. stav (2) tačka a) na zahtjev ugovornog organa i u roku kojeg odredi ugovorni organ shodno članu 72. stav (3) tačka a).

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netačnih podataka u dokumentima kojima se dokazuje lična sposobnost iz člana 45. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Također izjavljujem da sam svjestan da ugovorni organ koji provodi navedeni postupak javne nabavke shodno članu 45. stav (6) Zakona o javnim nabavkama BiH u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnog organa.

Izjavu dao: _____

Mjesto i datum davanja izjave:

Potpis i pečat nadležnog organa:

(M. P.)

Izjava o ispunjenosti uslova iz člana 47. st. (1) tačka b) Zakona o javnim nabavkama („Službeni glasnik BiH“ broj: 39/14)

Ja, niže potpisani _____ (Ime i prezime), sa ličnom kartom broj : _____ izdatom od _____, u svojstvu predstavnika privrednog društva ili obrta ili srodne djelatnosti

(Navesti položaj, naziv privrednog društva ili obrta ili srodne djelatnosti), ID broj : _____, čije sjedište se nalazi u _____ (Grad/općina), na adresi _____ (Ulica i broj), kao ponuđač u postupku javne nabavke usluga - pravne usluge u postupku arbitraže pred Međunarodnim arbitražnim sudom – MOL/INA, USLUGE IZ ANEKSA II DIO B. ZAKONA O JAVNIM NABAVKAMA, a kojeg provodi Ugovorni organ: Generalni sekretarijat Vlade Federacije Bosne i Hercegovine i sekretarijat Vlade Federacije Bosne i Hercegovine, a u skladu sa članom 47. st. (1) i (4) pod **punom materijalnom i kaznenom odgovornošću**

IZJAVLJUJEM

Dokument čiju običnu kopiju dostavlja kandidat/ponuđač _____ u navedenom postupku javne nabavke, a kojim se dokazuje ekonomska i finansijska sposobnost iz člana 47. stav (1) tačka b) je identičan sa originalom.

U navedenom smislu sam upoznat sa obavezom kandidata/ponuđača da u slučaju dodjele ugovora dostavi dokument iz člana 47. stav (1) tačka b) na zahtjev ugovornog organa i u roku kojeg odredi ugovorni organ shodno članu 72. stav (3) tačka a).

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo predviđeno Kaznenim zakonima u BiH, te da davanje netačnih podataka u dokumentima kojima se dokazuje ekonomska i finansijska sposobnost iz člana 47. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Izjavu dao : _____

Mjesto i datum davanja izjave : _____

Potpis i pečat ponuđača/kandidata _____

Izjava o ispunjenosti uslova iz člana 50. (Tehnička i profesionalna sposobnost u postupku nabavke usluga) Zakona o javnim nabavkama („Službeni glasnik BiH“ broj: 39/14)

Ja, niže potpisani _____ (Ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (Navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (Grad/općina), na adresi _____ (Ulica i broj), kao ponuđač u postupku javne nabavke usluga - pravne usluge u postupku arbitraže pred Međunarodnim arbitražnim sudom – MOL/INA, USLUGE IZ ANEKSA II DIO B. ZAKONA O JAVNIM NABAVKAMA, a kojeg provodi Ugovorni organ: Generalni sekretarijat Vlade Federacije Bosne i Hercegovine, a u skladu sa članom 50. **pod punom materijalnom i kaznenom odgovornošću dajem sljedeću izjavu/e o:**

- angažiranom osoblju, a za koje se ne može zahtijevati da su zaposleni kod ponuđača.

Nadalje izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja kazneno djelo utvrđeno Kaznenim zakonima u BiH, te da davanje netačnih podataka u dokumentima kojima se dokazuje tehnička i profesionalna sposobnost iz članova od 48. do 51. Zakona o javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Izjavu dao: _____

Mjesto i datum davanja izjave: _____

Potpis i pečat ponuđača/kandidata: _____

PISMENA IZJAVA

iz člana 52. Zakona o javnim nabavkama („Službeni glasnik BiH“, broj: 39/14)

Ja, _____ nižepotpisani
 _____ (Ime i prezime), sa
 ličnom kartom broj : _____ izdatom od _____, u svojstvu
 predstavnika _____ privrednog društva ili obrta ili srodne djelatnosti

_____ (Navesti položaj, naziv privrednog društva ili obrta ili srodne djelatnosti), ID broj :
 _____, čije sjedište se nalazi u _____ (Grad/općina), na
 adresi _____ (Ulica i broj), kao ponuđač u postupku javne nabavke usluga -
 pravne usluge u postupku arbitraže pred Međunarodnim arbitražnim sudom – MOL/INA,
 USLUGE IZ ANEKSA II DIO B. ZAKONA O JAVNIM NABAVKAMA, a kojeg provodi Ugovorni
 organ: Generalni sekretarijat Vlade Federacije Bosne i Hercegovine, a u skladu sa članom 52.
 stav (2) Zakona o javnim nabavkama pod **punom materijalnom i kaznenom odgovornošću**

IZJAVLJUJEM

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši, ili se suzdržava od vršenja djela koje treba izvršiti on, ili neko ko posreduje pri takvom podmićivanju službenog ili odgovornog lica.
3. Nisam dao ili obećao dar ili neku drugu povlasticu službenom ili odgovornom licu u ugovornom organu uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku postupka javne nabavke.

Davanjem ove izjave, svjestan sam kaznene odgovornosti predviđene za kaznena djela primanja i davanja mita i kaznena djela protiv službene i druge odgovornosti i dužnosti utvrđene u Kaznenim zakonima Bosne i Hercegovine.

Izjavu dao:

Mjesto i datum davanja izjave:

Potpis i pečat nadležnog organa:

(M. P.)

**OBRAZAC IZJAVE O OBAVEZNOJ PRIMJENI
PREFERENCIJALNOG TRETMANA DOMAĆEG**

Naziv ponuđača: _____

Adresa ponuđača: _____

ID broj ponuđača: _____

Kao ponuđač u postupku javne nabavke usluga - pravne usluge u postupku arbitraže pred Međunarodnim arbitražnim sudom – MOL/INA, USLUGE IZ ANEKSA II DIO B. ZAKONA O JAVNIM NABAVKAMA, a kojeg provodi Ugovorni organ: Generalni sekretarijat Vlade Federacije Bosne i Hercegovine, u skladu sa Odlukom o obaveznoj primjeni preferencijalnog tretmana domaćeg („Službeni glasnik BiH“, broj: 83/16)

I Z J A V L J U J E M O

a) Da smo pravno ili fizičko lice sa sjedištem u Bosni i Hercegovini i da smo registrirani u skladu sa zakonima u Bosni i Hercegovini i da najmanje 50% radne snage za izvršenje ovog ugovora su rezidenti iz Bosne i Hercegovine.

b) Da smo pravno ili fizičko lice na koje se ne mogu primjeniti odredbe o preferencijalnom tretmanu domaćeg.

Napomena:

Da bi se preferencijalni tretman domaćeg mogao primijeniti, ponuđač je uz Izjavu obavezan dostaviti dokaz, za konkretno ovaj predmet javne nabavke, izdat od strane jedne od privrednih komora: Vanjskotrgovinske komore Bosne i Hercegovine, Privredne/Gospodarske Komore Federacije Bosne i Hercegovine, Privredne komore Republike Srpske ili Privredne komore Brčko Distrikta BiH, kojim dokazuje da podliježe primjeni preferencijalnog tretmana domaćeg.

U _____, _____ godine.

Za ponuđača:

(Čitko upisati ime i prezime ovlaštene osobe privrednog subjekta)

(Vlastoručni potpis ovlaštene osobe privrednog subjekta)

(M. P.)

SPISAK POVJERLJIVIH INFORMACIJA

Informacija koja je povjerljiva	Brojevi stranica s tim informacijama, u ponudi	Razlozi za povjerljivost tih informacija	Vremenski period u kojem će te informacije biti povjerljive

Napomena:

- Ponuđači su obavezni napraviti spisak informacija koje bi se trebale smatrati povjerljivim ako ih imaju (popunjen po šemi u PRILOGU 8 ovog poziva).
- Ukoliko ponuđači određene informacije/podatke iz ponude označavaju povjerljivim, odnosno poslovnom tajnom, dužni su da u ponudi navedu i pravni osnov na temelju kojeg su ti podaci tajni i povjerljivi.
- U slučaju paušalnog navođenja u ponudi da se neki podatak/informacija smatra povjerljivim/tajnim, bez naznačavanja pravnog osnova na temelju kojeg su ti podaci povjerljivi i tajni, neće obavezivati ugovorni organ da iste smatra takvima.

Podaci koji se ni u kojem slučaju ne mogu smatrati povjerljivim su:

- a) ukupne i pojedinačne cijene iskazane u ponudi;
- b) predmet nabavke, odnosno ponuđena roba, usluga ili radova od koje zavisi poređenje sa tehničkom specifikacijom i ocjena da je ponuda u skladu sa zahtjevima iz tehničke specifikacije;
- c) dokazi o ličnoj situaciji ponuđača (u smislu odredbi čl. 45.-51.Zakona).

M.P.

 Pečat i potpis ponuđača

OBRAZAC IZJAVE O PODUGOVARANJU

Naziv ponuđača: _____

Adresa ponuđača: _____

ID broj ponuđača: _____

Kao ponuđač u postupku javne nabavke usluga - pravne usluge u postupku arbitraže pred Međunarodnim arbitražnim sudom – MOL/INA, USLUGE IZ ANEKSA II DIO B. ZAKONA O JAVNIM NABAVKAMA, za potrebe Generalnog sekretarijata Vlade Federacije Bosne i Hercegovine

I Z J A V L J U J E M O

- a) Da privredni subjekt koji dostavlja ovu ponudu ima namjeru podugovaranja u iznosu od _____ % ukupne cijene prihvaćene ponude
- b) Da privredni subjekt koji dostavlja ovu ponudu nema namjeru podugovaranja

Napomena:

- Ponuđač je obavezan u datom Obrascu izjave o podugovaranju – PRILOG 9 zaokružiti jednu od ponuđenih opcija, koje se odnose na podugovaranje.

- Ukoliko ponuđač zaokruži opciju a) (da namjerava dio ugovora podugovaranjem prenijeti na treće strane), Ugovorni organ će u ugovor o javnoj nabavci unijeti tu odredbu kao osnov za zaključivanje podugovora između izabranog ponuđača i podugovarača. Ponuđač kojem je dodijeljen ugovor neće sklapati podugovor ni o jednom bitnom dijelu ugovora bez prethodnog pismenog odobrenja Ugovornog organa. Elementi ugovora koji se podugovaraju i identitet podugovarača obavezno se saopćavaju Ugovornom organu blagovremeno, prije sklapanja podugovora. Ugovorni organ može izvršiti provjeru kvalifikacija podugovarača u skladu s članom 44. Zakona i obavijestiti dobavljača o svojoj odluci najkasnije u roku od 15 dana od dana prijema obavještenja o podugovaraču. U slučaju odbijanja podugovarača, Ugovorni organ dužan je navesti objektivne razloge odbijanja. Nakon što ugovorni organ odobri podugovaranje, dobavljač kojem je dodijeljen ugovor dužan je prije početka realizacije podugovora dostaviti ugovornom organu podugovor zaključen s podugovaračem, kao osnov za neposredno plaćanje podugovaraču, i koji kao obavezne elemente mora sadržavati sljedeće: a) usluge koje će pružati podugovarač; b) predmet, vrijednost, mjesto i rok pružanja usluga; c) podatke o podugovaraču, i to: naziv podugovarača, sjedište, JIB/IDB, broj transakcijskog računa i naziv banke kod koje se vodi. Dobavljač kojem je dodijeljen ugovor snosi punu odgovornost za realizaciju ugovora.

U _____, _____ godine.

Za ponuđača:_____
(Čitko upisati ime i prezime ovlaštene osobe privrednog subjekta)_____
(Vlastoručni potpis ovlaštene osobe privrednog subjekta)

(M. P.)

NACRT UGOVORA

1. **Generalni sekretariat Vlade Federacije Bosne i Hercegovine**, sa sjedištem u Sarajevu, ul. Hamdije Čemerlića broj 2, 71000 Sarajevo, koga zastupa sekretar Vlade mr. sc. Edita Kalajdžić (u daljem tekstu: Ugovorni organ)

i

2. _____, sa sjedištem u _____ Ul. _____ br. __, (u daljem tekstu: Pružalac usluga), koga zastupa _____, ovlašteno lice,

zaključuju dana _____ 2019. godine, sljedeći:

**UGOVOR
O PRUŽANJU PRAVNIH USLUGA**

Član 1.

Ovim Ugovorom ugovorne strane regulišu međusobne odnose čiji je predmet pružanje pravnih usluga koje se odnose na učestvovanje i rad po fazama arbitražnog postupka u predmetu MOL-INA protiv Federacije Bosne i Hercegovine (Predmet br. 18596/GZ/MHM) u postupku arbitraže pred Međunarodnim arbitražnim sudom Međunarodne trgovačke komore, te pružanje usluga pravne pomoći, savjetovanja, zastupanja i poduzimanja svih ostalih potrebnih pravnih radnji u vezi sa navedenim predmetom, kako je navedeno u PRILOGU 2 ovog poziva.

Član 2.

Integralni dio ovog ugovora je PRILOG 2 - Obrazac za cijenu ponude - usluge.

Član 3.

Ukupna cijena za pružanje usluga iz člana 1. ovog ugovora za tri godine iznosi _____ KM, bez PDV-a (slovima: _____), odnosno _____ KM, sa PDV-om (slovima: _____), a prema specifikaciji i cijenama navedenim u Obrascu za cijenu ponude – usluge – PRILOG 2.

Ukupna cijena usluge uključuje i sljedeće pravne radnje:

- Savjetodavne usluge u pogledu predmeta spora;
- Stručna pravna pomoć u analizi predmeta arbitražnog spora (dostava izvještaja o pravnim mogućnostima na osnovu postojeće dokumentacije);
- Stručna pomoć u tumačenju akata Arbitražnog vijeća, zahtjeva za pokretanje postupka i druge dokumentacije;
- Pružanje savjeta, uputstava i davanje komentara u vezi sa bilo kojim pitanjem u arbitražnom postupku;
- Pružanje stručne pravne pomoći u izradi odgovora Federacije Bosne i Hercegovine na predmetnu tužbu, podnošenje protivtužbe, te davanje odgovora na zahtjeve Arbitražnog vijeća;
- Pomoć Federaciji Bosne i Hercegovine u ocjeni dokaza u postupku, pripremi svjedoka i drugih učesnika za učešće u postupku;
- Preduzimanje drugih pravnih radnji s ciljem pomoći Federaciji Bosne i Hercegovine,
- Zastupanje Federacije Bosne i Hercegovine u postupku međunarodne arbitraže u skladu sa ICC arbitražnim pravilima, u cilju zaštite interesa Ugovornog organa.

U ukupnu cijenu također su uključeni i:

- troškovi trećih strana angažovanih za potrebe arbitraže (prevod dokumenata i rasprava, sudski izvještač, troškovi prostorija za održavanje rasprava),
- naknade i troškovi eksperata angažovanih u postupku arbitraže,
- troškovi putovanja i smještaja advokata, eksperata i svjedoka, uz napomenu da troškovi iz ovog stava neće preći iznos od 700.000,00 KM. U slučaju neuobičajenog razvoja toka arbitražnog postupka koji bi generisao troškove veće od ovog iznosa, ugovorne strane će sporazumno urediti pitanje troškova preko navedenog iznosa.

Troškove koji se odnose na troškove ICC arbitraže (suda, tribunala, administrativne troškove) koji su u vezi sa arbitražnim postupkom (registracioni troškovi, predujam za troškove, troškovi arbitražnog vijeća i honorari arbitara i sl.), direktno će snositi Ugovorni organ.

Ugovorni organ se obavezuje da će za predmetne usluge iz člana 1. ovog ugovora izvršiti plaćanje ugovorene cijene, prema cijenama iz PRILOGA 2 - Obrazac za cijenu ponude - usluge, i to na račun Pružaoca usluga.

Plaćanje će se vršiti na sljedeći način:

- Prva faza u roku od 30 dana od dana dostavljanja Izvještaja sa odgovarajućim priložima i fakture Pružaoca usluge;
- Druga faza u roku od 30 dana od dana dostavljanja Izvještaja sa odgovarajućim priložima i fakture Pružaoca usluge;
- Treća faza u roku od 30 dana od dana dostavljanja Izvještaja sa odgovarajućim priložima i fakture Pružaoca usluge;
- Četvrta faza u roku od 30 dana od dana dostavljanja Izvještaja sa odgovarajućim priložima i fakture Pružaoca usluge.

Član 4.

Pružalac usluga se obavezuje da će usluge iz čl. 1. i 2. ovog Ugovora, preduzimati sa posebnom pažnjom i potrebnim znanjem, savjesno i odgovorno, poštujući pravila svoje profesije te se maksimalno zalagati za interese Ugovornog organa.

Odgovornost Pružaoca usluga za bilo kakvu štetu nastalu uslijed izvršenja ovog ugovora ograničava se na iznos od ugovorene cijene iz člana 3. Ugovora.

Pružalac usluga se obavezuje da će o svim preduzetim radnjama redovno sačinjavati pismeni izvještaj i dostavljati Ugovornom organu, a po potrebi istog informisati i usmenim putem.

Član 5.

Sve obavijesti koje se dostavljaju drugoj ugovornoj strani, a tiču se realizacije ovog ugovora, moraju biti preduzete ili obavljena od strane ovlaštenih predstavnika:

- u ime Ugovornog organa: mr. Edita Kalajdžić, sekretar Vlade Federacije Bosne i Hercegovine,
- u ime Pružaoca usluga: _____.

Član 6.

Ugovorni organ se obavezuje da s ciljem omogućavanja realizacije saradnje, Pružaocu usluge dostavi potrebnu dokumentaciju i podatke neophodne za izvršenje zahtijevanih usluga iz člana 1. ovog ugovora.

Član 7.

Svaka strana zadržava pravo raskida istog, uz prethodni otkazni rok od 30 dana pismeno unaprijed. Iznosi cijene usluge koji su dospjeli za plaćanje u vrijeme raskida, kao i cijena za trenutnu fazu arbitraže koja je u toku u momentu raskida, a koja će se smatrati dospjelom momentom raskida, će biti plaćeni.

Ugovorni organ nema obavezu isplate za sljedeće faze postupka, niti ima pravo na povrat bilo kakvih isplaćenih iznosa izuzev u slučaju definisanom u narednom stavu.

U slučaju da Pružalac usluga otkáže ugovor odmah nakon Prve faze imati će pravo na plaćanje iznosa od 30% od cijene za Prvu fazu, a ako je već naplatio iznos za tu fazu morati će vratiti sve preko tog procenta, u roku od 30 dana od dana otkazivanja Ugovora. Odredbe ovog stava neće se primjenjivati, ukoliko je ugovor raskinut u kasnijim fazama ili u bilo kojoj fazi kada ugovor raskida Ugovorni organ.

Član 8.

Sve informacije nastale po osnovu ovog ugovora se smatraju poslovnom tajnom i ne smiju se davati trećoj strani bez odobrenja ugovornih strana.

Pružalac usluga se obavezuje da svojim ponašanjem i aktivnostima neće povrijediti tajnost podataka i dokumenata kojima raspolaže Ugovorni organ.

Član 9.

Svi sporovi koji proisteknu iz ili u vezi sa ovim ugovorom će konačno biti razriješeni prema Pravilima o arbitraži Međunarodne trgovačke komore u Parizu, od strane jednog ili više arbitara imenovanih u skladu sa navedenim Pravilima. Jezik arbitraže će biti engleski, mjesto arbitraže Beč, a mjerodavno pravo austrijsko.

Član 10.

Ugovor je sačinjen u 6 (šest) primjerka, od kojih Ugovorni organ zadržava 4 (četiri), a Pružalac usluge 2 (dva) primjerka.

Član 11.

Ovaj ugovor stupa na snagu danom potpisivanja ugovornih strana.

PRUŽALAC USLUGA

(OVLAŠTENO LICE)

Broj:

Datum:

UGOVORNI ORGAN

Generalni sekretarijat Vlade Federacije Bosne i
Hercegovine

SEKRETAR VLADE

mr.sc. Edita Kalajdžić

Broj:

Datum: